



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 423
e-mail: info@voda.ba

Broj: UP-1/21-2-40-560-2/23

Datum: 27.12.2023. godine

«Agencija za vodno područje rijeke Save» Sarajevo rješavajući po zahtjevu pravnog lica GEO PUT d.o.o. Maglaj u postupku izdavanja vodne saglasnosti za aktivnost vađenje materijala iz korita rijeke Bosne na lokalitetu neposredno uzvodno i nizvodno od gradskog mosta, Općina Maglaj, na osnovu člana 139. stav (1) tačka 6., a u vezi sa članom 81. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22) **donosi**:

RJEŠENJE **o vodnoj saglasnosti**

1. Pravnom licu, GEO PUT d.o.o. Maglaj, daje se vodna saglasnost za aktivnost vađenje materijala iz rijeke Bosne prema tehničkoj dokumentaciji:
Elaborat – Vađenje materijala iz korita rijeke Bosne na lokalitetu neposredno uzvodno i nizvodno od gradskog mosta u Maglaju, urađen od strane „ES HYDROTECHNICS” d.o.o. Sarajevo, novembar 2023. godine,
a u cilju ostvarivanja prava na vađenje materijala, u približnoj količini od 17000 m³, na dijelu zemljišne čestice označene kao k.č. 2771/1, K.O. Maglaj, dodijeljenog Ugovorom broj: 30-1098-19/23 od 20.10.2023. godine.
2. Vodna saglasnost izdaje se na određeno vrijeme i prestaje važiti 31.12.2023. godine, a sve u skladu sa članom 8. Ugovora broj: 30-1098-19/23 od 20.10.2023. godine, zaključenog između AVP „Sava” i pravnog lica GEO PUT d.o.o. Maglaj.
3. Ova vodna saglasnost se odnosi isključivo na aktivnosti obrađene kroz elaborat naveden u tački 1. Rješenja.
4. Vodna saglasnost se donosi na osnovu utvrđenog činjeničnog stanja i dostavljene tehničke dokumentacije iz tačke 1. ovog dispozitiva, a koja čini sastavni dio ovog Rješenja i ista se, ovjerena u skladu sa odredbama člana 114. stav (3) Zakona o vodama od strane ove Agencije, vraća podnosiocu zahtjeva na trajno čuvanje.
5. Vodna saglasnost se daje pod slijedećim uslovima koje treba ispuniti u toku i nakon izvođenja radova na predmetnom lokalitetu:
 - 5.1. Da se uklanjanje materijala iz korita rijeke Bosne, lokalitet „uzvodno od gradskog mosta” vrši u svemu prema ovjerenom Elaboratu iz tačke 1. ovog dispozitiva, uslovima iz ove vodne saglasnosti i odredbama Ugovora, broj: 30-1098-19/23 od 20.10.2023. godine, sklopljenim sa AVP Sava.
 - 5.2. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa izvađenog materijala, a za što je odgovoran izvođač radova i nadzorni organ imenovan od strane AVP „Sava”.
 - 5.3. Ukupna količina materijala (cca 5300 m³), koja je obuhvaćena ovom vodnom saglasnošću, mora obavezno da se izvadi do 31.12.2023. godine.
 - 5.4. Korisnik je dužan da uredno vodi dnevnik rada sa tačno definisanim lokalitetom iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 5.5. Korisnik je obavezan u roku od 15 dana od dana prijema ovog vodnog akta dostaviti vremenski plan vršenja radova na vađenju materijala u skladu sa tačkom 3.1. Rješenja o prethodnoj vodnoj saglasnosti UP-1/21-1-40-311-3/23 od 14.08.2023. godine, a o datumu početka radova pismeno obavijestiti ugovorni organ radi uvođenja u ugovorene radove, a sve u skladu sa članom 12. Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
 - 5.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl., a građevinsku mehanizaciju, skladište tečnih goriva i maziva smjestiti izvan nivoa velikih voda rijeke Bosne.

- 5.7. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda rijeke Bosne, a u skladu sa važećim propisima o postupanju sa otpadom.
- 5.8. Izvođač radova je obavezan svakodnevno voditi evidenciju vađenja materijala sa tačnim količinama izvađenog materijala, a na obrascu građevinskog dnevnika u skladu sa Uredbom o uređenju gradilišta, obaveznoj dokumentaciji na gradilištu i učesnicima u građenju („Službene novine FBiH“, broj 99/14).
- 5.9. Namjeravano vađenje materijala se treba vršiti u skladu sa članom 63. Zakona o vodama („Službene novine Federacije BiH“, broj 70/06) vodeći računa o načinu izvođenja radova i periodu mriještenja rijebe, kako je i navedeno u saglasnosti broj: 10-11/23 izdatoj 10.11.2023. godine od strane Sportsko ribolovnog društva „Bosna“, Maglaj.
- 5.10. Korisnik vodne saglasnosti je u obavezi da obezbijedi stručno lice geodetske struke sa osnovnim zadatkom kontinuiranog praćenja tačnosti kota i geometrije korita na terenu prilikom izvođenja radova u odnosu na podatke date u projektu, kao i količina koje se u toku dana izvade.
- 5.11. Zagate, napere i pomoćne objekte i zahvate u koritu koji prilikom vađenja materijala iz korita služe za lakše izvođenje određenih radova, izvesti na način da isti što manje ugrožavaju proticajni profil rijeke Bosne, a nakon završetka radova iste je potrebno ukloniti i korito, obale i okolni teren dovesti u prvobitno stanje. Zabranjeno je deponovanje materijala (privremeno i trajno) na mjestu vađenja, te je isti nakon kratkog procjeđivanja potrebno odvoziti na planiranu deponiju izvan inundacionog pojasa (plavnog područja).
- 5.12. Materijal iz korita koji nema upotrebnu vrijednost (mulj, jalovina, rastinje, krupno kamenje, zemlja i sl.) a koji se u postupku vađenja materijala u cilju obezbjeđenja proticajnog profila uklanja, potrebno je propisno zbrinuti izvan inundacionog pojasa rijeke Bosne.
- 5.13. U toku izvođenja radova na vađenju materijala izvođač radova je dužan održavati u ispravnom stanju pristupnu saobraćajnicu i nakon završetka radova obavezan je da teren i korištenu pristupnu saobraćajnicu (obalu) dovede u prvobitno stanje.
- 5.14. Po završetku vađenja materijala, isteka vodne saglasnosti ili raskida Ugovora, korisnik vodne saglasnosti je dužan uraditi kontrolni elaborat izvađenih količina materijala iz korita, tj. izvršiti kontrolno geodetsko snimanje poprečnih profila u skladu sa izdanom vodnom saglasnosti, a dokumentaciju o izvršenom kontrolnom snimanju sa bilansom masa se dostavlja AVP Sava kao ugovornom organu, u pisanom obliku i u elektronskoj formi.
- 5.15. Vađenje materijala vršiti isključivo prema snimljenom uzdužnom i poprečnim profilima počevši od nizvodnog profila i gurajući materijal u trakama, odgovarajućom mehanizacijom, buldozerom ili bagerom – rovokopačem.
- 5.16. Transport i manipulacija se vrši samo sa prethodno prirodno ocijeđenim materijalom zbog mogućnosti prljanja i kvašenja saobraćajnice na koji se navedeni lokalitet priključuje.
6. Korisnik vodne saglasnosti dužan je dostaviti «Agenciji za vodno područje rijeke Save» Sarajevo mjesečni izvještaj - popunjen i ovjeren obrazac «IMV» o izvađenim količinama materijala, a plaćanje posebne vodne naknade u visini od 1,60 KM po 1 m³ za izvađene količine materijala izvršiti na način definisan članom 4. Ugovora broj: 30-1098-19/23 od 20.10.2023. godine. godine sklopljenog sa AVP Sava.
7. Materijal izvađen po osnovu ove vodne saglasnosti i Ugovora sklopljenog između AVP „Sava“ i GEO PUT d.o.o. Maglaj, broj 30-1098-19/23 od 20.10.2023. godine. godine, a za koji je od strane izvođača izvršeno plaćanje naknade iz člana 4. navedenog Ugovora, postaje vlasništvo izvođača radova.
8. Ukoliko se prije početka kao i u toku provođenja aktivnosti na vađenju materijala iz rijeke Bosne na lokalitetu „uzvodno od gradskog mosta“ utvrdi da nije moguće realizirati planirane aktivnosti zbog pristupne saobraćajnice do lokaliteta vađenja materijala, Izvođač radova dužan je riješiti imovinsko-pravne odnose sa vlasnikom i posjednicima zemljišta na zemljišnim česticama u roku koji mu propiše AVP „Sava“ ili u suprotnom gubi pravo na vađenje materijala dodijeljeno ovim vodnim aktom.
9. Ova vodna saglasnost, ovjeren Elaborat iz tačke 1. ovog rješenja i Ugovor o vađenju materijala, sklopljen sa ovom Agencijom, moraju se nalaziti na mjestu izvođenja radova, a za što je odgovorno ovlašteno lice izvođača radova.
10. Ukoliko se, kao posljedica radova, ošteti korito i obale rijeke Bosne, u zoni izvođenja radova, ili nanesu štete trećim licima, sva oštećenja se moraju sanirati i štete nadoknaditi o vlastitom trošku izvođača radova.
11. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.

12. Korisnik prava iz ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
13. Prava stečena po ovoj vodnoj saglasnosti ne mogu se prenositi na treća lica, a ista prestaju u skladu sa odredbama Zakona o vodama.

Obrazloženje

Pravno lice, GEO PUT d.o.o. Maglaj, se pismenim zahtjevom, obratilo ovoj Agenciji tražeći izdavanje vodne saglasnosti za aktivnost vađenje materijala iz rijeke Bosne prema Elaboratu za vađenje materijala iz korita rijeke Bosne na lokalitetu neposredno uzvodno i nizvodno od gradskog mosta u Maglaju, urađen od strane „ES HYDROTECHNICS“ d.o.o. Sarajevo, novembar 2023. godine, a u cilju ostvarivanja prava za vađenje materijala, na dijelu zemljišne čestice označene kao k.č. 2771/1, K.O. Maglaj, općina Maglaj, dodijeljenog Ugovorom, broj: 30-1098-19/23 od 20.10.2023. godine.

U prilogu zahtjeva podnosilac je dostavio slijedeću dokumentaciju:

- Opšta dokumentacija:
 - Ovjerena kopija Aktuelnog izvoda iz sudskog registra broj: 043-0-RegZ-20-003000 od 25.10.2023. izdatog od Općinskog suda u Zenici;
 - Ovjerena kopija Uvjerenja o poreznoj registraciji izdato od Porezne uprave - Kantonalni porezni ured Zenica od 09.02.2005. godine;
 - Saglasnost broj: 10-11/23 od 10.11.2023. godine, godine za vađenje materijala iz korita rijeke Bosne izdata od strane Sportsko ribolovnog društva „Bosna“, Maglaj;
 - Kopija Ugovora o vađenju materijala iz rijeke Bosne, na lokalitetu neposredno uzvodno i nizvodno od gradskog mosta u Maglaju gradskog mosta, zaključen između AVP „Sava“ i pravnog lica GEO PUT d.o.o. Maglaj, broj 30-1098-19/23 od 20.10.2023. godine;
 - Geodetski elaborat: „Geodetska situacija lokacije eksploatacije šljunka na rijeci Bosni – početno stanje“ – lokacija iznad gradskog mosta u Maglaju, urađena od strane Nedžad Ćatić, dipl.ing.geod., 06.11.2023. godine (u printanoj i el. formi – CD);
- Navedena dokumentacija se nalazi u omotu spisa broj: UP-1/21-2-40-560-2/23.
- Ostala dokumentacija:
 - Elaborat: Vađenje materijala iz korita rijeke Bosne na lokalitetu „Gradski most“ u Maglaju, urađen od strane „ES HYDROTECHNICS“ d.o.o. Sarajevo, novembar 2023. godine;
 - Dokazi o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U dokaznom postupku utvrđeno je da je projektna dokumentacija urađena u skladu sa uslovima iz prethodne vodne saglasnosti, broj: UP-1/21-1-40-311-3/23 od 14.08.2023. godine izdate od strane Agencije za vodno područje rijeke Save, Sarajevo.

U narednom tekstu su pobrojane tačke u kojima su propisani uslovi, u navedenoj PVS, i konstatacije vezane za ispunjenje istih:

Tačka 3.1.: Za potrebe izrade ovog Elaborata urađen je:

- geodetski snimak aktuelnog stanja na predmetnom lokalitetu sa prikazom i rasporedom materijala koji se uklanja, sa elementima za iskolčenje profila;
- grafičkim priložima sa poprečnim profilima od P1 do P8 u mjerilu M 1:200, urađenim na rastojanju do maksimalno 36m;
- radovi bi se vršili korištenjem standardne mehanizacije i na uobičajeni način tako što bi se u trakama uklanjao materijal iz korita vodotoka uzvodno od gradskog mosta;
- dinamički plan realizacije aktivnosti proizilazi iz člana 9. Ugovora, tj krajnji do 31.12.2023. godine;
- prezentiran je tabelarni proračun količina materijala koji se planira izvaditi.

Tačka 3.2.: Priložena je Saglasnost za vađenje materijala iz korita rijeke Bosne, izdata od strane Sportsko ribolovnog društva „Bosna“, Maglaj, sa uslovima koje su izvođaču radova postavljeni od strane SRD „Bosna“ Maglaj.

Obaveze održavanja vodotoka u koje spada i aktivnost „čišćenje, uklanjanje nanosa i djelimično produbljavanje dna korita“ propisana je članom 81. tačka 4. Zakona o vodama, a u vezi sa članovima 5. i 9. istog Zakona.

Kao korisnik prava na korištenje dionice rijeke Bosne kao ribolovnog revira, udruženja sportskih ribolovaca nisu nadležna za održavanje vodotoka u što spadaju aktivnosti pobrojane u prethodnoj

alijeji. Prema uputama drugostepenog organa, ista ne mogu tražiti finansijska sredstva za obeštećenje i zaštitu ribljeg fonda od firmi kojima je dodijeljen ugovor za vađenje materijala u cilju održavanja vodotoka.

Tačka 3.3.: Izvađeni materijal će direktno odvoziti na deponiju u vlasništvu GEO PUT d.o.o. Maglaj, na parceli k.č. broj 3249/1 i 3249/2, K.O. Maglaj, te je do lokacije deponije omogućen pristup direktno sa lokalne saobraćajnice.

Tačka 4: Podnosilac zahtjeva je za potrebe izrade projektne dokumentacije angažirao projektnu kuću „ES HYDROTECHNICS“ d.o.o. Sarajevo, koja posjeduje ovlaštenja za izradu projektne dokumentacije, prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH» broj 17/08).

Tačka 5: Podnosilac zahtjeva je dostavio svu potrebnu dokumentaciju navedenu pod ovom tačkom PVS-a.

Na osnovu utvrđenog činjeničnog stanja i dostavljene dokumentacije ovim aktom su, tačkama 4. i 5. dispozitiva rješenja, shodno odredbama člana 114. Zakona o vodama i člana 7., i 10. i 11. stav (3) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) i Uredbe o načinu dodjele prava za vađenje materijala iz vodotoka, propisani uslovi koje je potrebno ispuniti prilikom izvođenja predmetnih radova.

NAPOMENA: Aktivnost vađenja materijala je proistekla kao obaveza nadležnih organa za upravljanje vodama propisana članom 81. Zakona o vodama i odnosi se na održavanje vodotoka i vodnog dobra i ne provodi u cilju formiranja šljunkara i eksploatacionih polja za iskop pijeska i šljunka.

Podnosilac zahtjeva je uplatio upravnu taksu u iznosu 60,00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl. novine FBiH” broj: 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka

Meho Caušević, B.Sc.inž.građ.

Prilog:

1x Ovjeren Elaborat - Vađenje materijala iz korita rijeke Bosne na lokalitetu neposredno uzvodno i nizvodno od gradskog mosta u Maglaju, urađen od strane „ES HYDROTECHNICS“ d.o.o. Sarajevo, novembar 2023. godine.

Po ovlaštenju
Rukovodilac sektora za izdavanje
vodnih akata



Haris Ališehović, dipl.inž.građ.

Dostaviti:

- "GEO PUT" d.o.o. Maglaj, Poljice bb, 74250 Maglaj (Prilog)
- ⊖ ISV - vodna knjiga
- AVP Sava – Sektor 50
- AVP Sava – Sektor 30
- Oglasna ploča AVP Sava
- Arhiva-ovdje